

殷虛書契考

殷 契

壺 考

靈 貍

徐乃昌題





洪荒之世始積文畫頡皇挺生造為文字布在方策  
不足徵也光緒己亥安陽小屯發見龜甲累累巨萬  
福山王文敏公始為搜剔由是殷虛文字傳播人世  
上可以闕古初下可以證七國矣夫殷虛卜骨契鑿  
成文不遭秦燬不以秦書史籀相斯寧能寓目其禮  
教之補周官世系之正史記地名之徵左氏文字之  
斟許說通其流貫固不必以卜事怨之也近代儒生  
間攻斯學若瑞安孫氏上虞羅氏海寧王氏吾鄉劉

氏剖演奧藝多有纂著然未考蘊藏殊為憾事邦福  
幼治雅訓長攻金石辛亥以後著書易米每於契文  
欣然會意前則尋繹文字成殷契甄微一書近復考  
得帝辛卜辭馮據古證備究成卷惜亡友王漢輔觀  
察不逮匡而正之矣漢輔為文敏中子通朗掩濟靡  
才不擅以真相尚以義相慕嚮又與邦福同治古文  
字者自茲以往卷中發論孰愿褒其美孰樂督其過  
哉戊辰六月丹徒陳邦福序於東臺雋寓之億年堂

殷虛薶契考



丹徒陳邦福墨邊著

殷先公先王之見於卜辭者凡十有二曰爰帝曰土

相曰季王國維殷虛文字考釋載王亥王恒世系引楚辭天問該秉季德厥父是臧恒秉

季德焉得夫朴牛二語為證羅振玉書契考釋云尋繹天問之文殆謂該秉父季之德而殷本紀稱振為

冥子蓋振又亥之誤字今卜辭有季名豈冥亦名季與邦福案亥為冥子季或冥之兄弟楚辭該秉季德

厥父是臧殆詩所謂以速諸父曰王亥曰王恒曰王之誼不必如羅氏弔指冥也

殷曰王片曰王矢曰上田上甲微卜曰乙報乙作

曰丙報丁卜辭又作示曰示壬壬曰示癸



主癸案主示形近史記殷本紀蓋湯之先世及其祖  
主壬主癸實示壬示癸之譌

若考也

殷自成湯至於帝辛據史記殷本紀所載凡三十傳

今見於卜辭者二十有三曰大乙

卜辭一作唐齊侯鐘作成唐易緯作

帝乙詩作成湯又作武王一日烈祖書作神后一日高后一日高祖論語作履白虎通作祖乙史記作天

乙楚辭作后帝

曰大丁曰卜丙

孟子史記作外丙

曰大甲

卜辭一作夫甲羅振

玉書契考釋云夫甲即大甲秦刻辭大夫作大

曰大康

史記作大康竹書紀年作小康曰

小甲曰大戊

卜辭一作天戊

曰中丁曰卜壬

史記作外壬

曰且乙

曰且辛曰且丁蓋卜辭一作沮丁曰南庚曰羊甲史記陽

甲曰般庚般卜辭或作庚曰小辛曰小乙曰武丁曰且

庚曰且甲曰康且丁卜辭一作康丁史曰武乙一卜辭

武且乙以康且丁則為一人矣曰文武丁史記武乙子

年作文丁證之卜辭文武丁或文丁與

殷帝王之見於卜辭反為史籍失載者凡八曰且丙

曰且戊曰且卯曰且己曰小丁曰中己曰南壬曰帝

甲疑中丁以後九世離亂未立之弟兄也考史記殷





屬惜不著於史籍疑亦中丁以後九世離亂未立之  
弟兄也

殷帝王有天下者凡三十其未見卜辭者凡八曰中

壬曰沃丁曰維己曰河亶甲曰沃甲

羅振玉書契考釋云卜辭於帝

甲下有其眾且丁語則帝甲在且丁之前前乎且丁者有河亶甲有沃甲皆卜辭所無或即二者之一矣  
姑脩說曰廩辛曰帝乙曰帝辛帝辛為失國之主周不

貞商故祀典斷卜名曰八謚實七謚也且商人尚鬼  
八帝必有骨卜今以考得帝辛時候虎諸卜證之可

貫通矣

竹書紀年載殷康以後帝王之居殷者十凡八九帝  
王之或由殷邑遷河北或由河北遷殷者亦間見簡  
帙考龜甲出土於安陽即水經之洹水去朝歌百餘  
里近人有以帝王名謚殘朽之傳世者直斷為武乙  
之墟恐未必然據史記正義引竹書紀年云自殷康  
徙殷二百七十五年更不徙都紂時稍大其邑南距  
朝歌北距甘單沙丘皆為離宮別館去安陽百餘里

故安陽近出龜甲中邦福審為帝辛時卜辭者凡數  
事或安陽距朝歌之間百里有帝辛時卜室與

書契菁華第七葉云王曰侯虎毋歸邦福案此帝辛  
時卜辭侯虎紂佞臣崇侯虎也考左僖公十九年傳  
云子魚言于宋公曰文王聞崇德亂而伐之軍三旬  
而不降又襄公三十一年傳云北宮文子言於衛侯  
曰文王伐崇再駕而降為臣禮明堂位云崇鼎天子  
之器也鄭注文王伐崇遷其重器竹書紀年云帝辛



三十四年周師伐崇崇人降尚書大傳云文王受命  
六年伐崇大戴禮少間篇云紂不說諸侯之聽于周  
昌則嫌於死乃退伐崇許魏以客事天子韓非子說  
林篇云崇侯惡來知不適紂之誅也淮南子道應訓  
云崇侯虎曰周伯昌行仁義而善謀若与之從則不  
堪其殃縱而救之身必危亡及未成請圖之屈商乃  
拘文王于羑里說苑指武篇云文王欲伐崇先宣言  
曰余聞崇侯虎蔑侮父兄不敬長老聽獄不中分財

不均百姓力盡不得衣食余將來征之史記殷本紀  
云九侯有好女入之紂九侯女不喜淫紂怒殺之而  
醢殺九侯鄂侯爭之彊辯之疾并脯鄂侯西伯昌聞  
之竊歎崇侯知之以告紂紂囚西伯羑里周本紀云  
崇侯虎譖西伯於殷紂曰西伯積善累德諸侯皆嚮  
之將不利於帝帝紂乃囚西伯於羑里水經蕩水注  
云昔殷紂納崇侯虎之言囚西伯於此散宜生南宮  
括見文王乃演易用明否泰終始之義焉據此數證

益信卜辭侯虎為崇侯虎王曰則帝辛矣

書契前編卷四第四十四葉云貞命□从𠩺侯虎

伐𠩺方又云貞命𠩺侯自鉶雲歲龜一百葉云

貞命𠩺侯戩壽堂殷虛文字第十葉云辛巳卜厥

貞王由𠩺伐□受下闕孫詒讓契文舉例引毛公鼎

虢季子白盤及說文土部壠字古文釋𠩺為庸王

國維戩壽堂殷虛文字考釋謂𠩺即邶鄘之鄘字

邦福案古金文庸鄘壠三字本可通段卜辭𠩺侯



虎則庸侯虎寔崇侯虎也考詩大雅皇矣篇云以伐  
崇墉又云崇墉言言崇墉仡仡毛傳墉城也文王有  
聲篇云既伐於崇作邑於豐是毛詩或稱崇或稱崇  
墉有明證矣若卜辭之以庸為崇與左傳國語楚之  
稱荆同一義例詩殷武奮伐荆楚蕩  
咨汝殷商皆其例毛公去古已遠

解墉為城蓋就字作詁尔

文王滅崇始作豐邑遂從都寫考逸周書酆保篇云  
王告周公旦曰嗚乎諸侯咸格來慶辛苦役商吾何

保守何用行旦拜手稽首曰商為無道棄德刑範欺

侮群臣辛苦百姓忍辱諸侯莫大之綱福其止止人

惟庸王其祀

竹書紀年周懿王十三年薦殷於太廟

德純禮明允無二

卑位柔色金聲以合之又云商饋始於王因饗諸侯

重禮庶吏出送於郊樹帑於崇是周書舊文或稱庸

或稱崇庸為止人正崇為止國之說也邦福獲此一

解遂敢定毛詩崇庸為連文卜辭庸侯為崇侯矣

殷諸侯庸國有三一詩邶鄘之鄘在畿內一書牧誓

庸蜀之庸為西南夷國在江漢之南一崇庸之庸在  
豐鎬間崇有國邑繇來已久史記周本紀正義引皇  
甫謚云夏繇封虞夏商周皆有崇國其明證也

書契菁華第七葉侯虎凡四見曰侯虎余得女史口

曰侯虎毋歸曰侯虎得女史哲曰侯虎往余

下侯虎

雖未貫國邑以它辭證之蓋帝辛佞臣崇侯虎也

史記龜策傳云畧聞夏殷欲卜者乃取蓍龜已則棄  
去之以為龜歲則不靈蓍久則不神羅振玉殷商貞